

tum Filium tuum, qui tecum vivit, et regnat in unitate Spiritus Sancti Deus, per omnia saecula saeculorum. **R.** Amen.

*Tunc sufflet ter in aquam versus tres partes secundum hanc figuram **V**; deinde imponit incensum in thuribulo, et Fontem incensat. Postea infundens de Oleo Catechumenorum in aquam in modum Crucis, clara voce dicit:*

*Sanctificetur, et foecundetur Fons iste Oleo salutis renascentibus ex eo in vitam aeternam in nomine Patris **X**, et Filii **X**, et Spiritus **X** Sancti. **R.** Amen.*

*Deinde infundit de Chrismate modo quo supra, dicens: Infusio Chrismatis Domini Jesu-Christi, et Spiritus Sancti Paracliti, fiat in nomine sanctae Trinitatis. **R.** Amen.*

*Postea accipit ambas ampullas dicti Olei sancti et Chrismatis, et de utroque simul in modum Crucis infundendo, dicit: Commixtio Chrismatis sanctificationis, et Olei unctionis, et aquae Baptismatis pariter fiat in nomine Patris **X**, et Filii **X**, et Spiritus **X** Sancti. **R.** Amen.*

Tum deposita ampulla, dextera manu Oleum sanctum, et Chrisma infusum miscet cum aqua et spargit per totum fontem. Deinde medulla panis manum tergit; et si quis baptizandus est, eum baptizat. Quod si neminem baptizat, statim manus abluit, et ablutio effundatur in Sacrarium.

TITULUS II.

DE BENEDICTIONIBUS ANIMALIUM.

Benedictiones contentæ in hoc secundo titulo fieri possunt à quocumque simplici Sacerdote.

BENEDICTIO EQUORUM ALIORUMQUE ANIMALIUM IN FESTO SANCTI ANTONII ABBATIS.

(Ex Inst. can. 47, Bened. XIV ex Biblioth. Ferr. et Rit. Barcin.).

- V.** Adjutorium nostrum in nomine Domini.
- R.** Qui fecit coelum et terram.
- V.** Domine, exaudi orationem meam.
- R.** Et clamor meus ad te veniat.
- V.** Dominus vobiscum. **R.** Et cum spiritu tuo.

OREMUS.

Deus refugium, et virtus, adesto piis Ecclesiæ tuae precibus, auctor ipse pietatis, et præsta: ut quod fideliter petimus, efficaciter consequamur. Per Christum Dominum nostrum. **R.** Amen.

OREMUS.

Omnipotens sempiterne Deus, qui gloriosum beatum Antonium variis temptationibus probatum, inter mundi hujus turbines illæsum transire fecisti: concede famulis tuis, ut et præclaro ipsius proficiamus exem-

plo, et à præsentis vitæ periculis ejus meritis, et intercessione liberemur. Per Christum Dominum nostrum.
R. Amen.

OREMUS.

Benedictionem tuam, Domine, hæc animalia accipiant, qua corpore salventur, et ab omni malo per intercessionem beati Antonii liberentur. Per Christum Dominum nostrum. R. Amen.

Deinde aspergat aqua benedicta.

BENEDICTIO PRO ANIMALIBUS INFIRMANTIBUS.

(Ex Rit. Vicen. Tarr. et Urg.).

- ✓. Adjutorium nostrum in nomine Domini.
- R. Qui fecit cœlum et terram.
- ✓. Domine, exaudi orationem meam.
- R. Et clamor meus ad te veniat.
- ✓. Dominus vobiscum. R. Et cum spiritu tuo.

OREMUS.

Misericordiam tuam, Domine, supplices exoramus, ut hæc animalia, quæ gravi infirmitate vexantur, tua bene ✕ dictione sanentur; extinguatur in eis omnis diabolica potestas, neque ulterius ægrotent: esto eis vitæ defensio, et remedium sanitatis.

Deus, qui laborantibus hominibus, etiam de mutis animalibus solatia subrogasti; suppliciter te rogamus, ut sine quibus non alitur humana conditio, nostris facias usibus non perire. Per Christum Dominum nostrum. R. Amen.

Aspergantur animalia aqua benedicta.

BENEDICTIO TEMPORE PESTIS ANIMALIUM.

(Ex Rit. Barcin. et Col. P. Sannig.).

- ✓. Adjutorium nostrum in nomine Domini.
- R. Qui fecit cœlum et terram.
- ✓. Domine, exaudi orationem meam.
- R. Et clamor meus ad te veniat.
- ✓. Dominus vobiscum. R. Et cum spiritu tuo.

OREMUS.

Misericordiam tuam, Domine, supplices exoramus, ut hæc animalia quæ gravi infirmitate vexantur, in nomine tuo, atque tuæ bene ✕ dictionis virtute sanentur; extinguatur in eis omnis diabolica potestas ne ulterius ægrotent: tu eis, Domine, sis defensaculum vitæ, et remedium sanitatis. R. Amen.

Aspergantur aqua benedicta.

BENEDICTIO ANIMALIUM MORBO CONTAGIOSO, VEL MALEFICIO LABORANTIUM.

(Ex Rituali Gerundensi).

Sacerdos stans versus animalia convenienti loco congregata dicit:

- ✓. Adjutorium nostrum in nomine Domini.
- R. Qui fecit cœlum et terram.
- ✓. Domine, exaudi orationem meam.
- R. Et clamor meus ad te veniat.
- ✓. Dominus vobiscum.
- R. Et cum spiritu tuo.

Exorcizo te, dæmon, et admoneo te, per Deum **¶** vivum, per Deum **¶** verum, per Deum **¶** sanctum, ut ex eas atque recedas de loco isto, nec umquam revertaris, nec habitantibus in eo, aut homini, aut bruto pavores immittas, aut quodcumque maleficium inferas, per eum qui te vicit, et superavit in patibulo Crucis, et potestatem tuam ligavit, qui que venturus est judicare vivos et mortuos, et sæculum per ignem.

¶. Amen.

Aspergat aqua benedicta.

OREMUS.

Deus, qui laboribus hominum, etiam de mutis animalibus solatia subrogasti: supplices te rogamus, ut sine quibus non alitur humana conditio, nostris facias usibus non perire. Per Christum, etc.

OREMUS.

Averte quæsumus, Domine, à fidelibus tuis cunctos miseratus errores, et sævientium morborum, qui grassantur in animalia, depelle perniciem; ut quos suo merito flagellas devios, foveas tua miseratione correctos. Per Christum, etc.

Si hæc benedictio facienda est solemniter, fiat processio, cantando Litanias Sanctorum, ut supra, pag. 40. In regressu ad Ecclesiam, cum perventum fuerit ante Altare, Sacerdos dicat Antiphonam, versum et orationem Sancti Patroni, vel Titularis Ecclesie, continuando sine conclusione orationes sequentes:

Deus, qui corda fidelium Sancti Spiritus illustratio-

ne docuisti, da nobis in eodem Spiritu recta sapere, et de ejus semper consolatione gaudere.

Concede nos famulos tuos, quæsumus, Domine Deus, perpetua mentis, et corporis sanitatis gaudere, et glorirosa Beatae Mariæ semper Virginis intercessione à præsenti liberari tristitia, et æterna perfaci laetitia.

Deus, qui miro ordine Angelorum ministeria, hominumque dispensas; concede propitius, ut à quibus tibi ministrantibus in cœlo semper assistitur, ab his in terra vita nostra muniatur.

Omnipotens sempiterne Deus, qui dedisti famulis tuis in confessione veræ fidei, æternae Trinitatis gloriam agnoscere, et in potentia Majestatis adorare unitatem, quæsumus, ut ejusdem fidei firmitate ab omnibus semper muniamur adversis. Per Christum, etc.

BENEDICTIO MEDICINARUM PRO ANIMALIBUS INFIRMIS.

(Ex Rituali Gerundensi).

- ¶. Adjutorium nostrum in nomine Domini.
- ¶. Qui fecit cœlum et terram.
- ¶. Domine, exaudi orationem meam.
- ¶. Et clamor meus ad te veniat.
- ¶. Dominus vobiscum.
- ¶. Et cum spiritu tuo.

OREMUS.

Deus omnipotens, et misericors, clementiam tuam per sanctissimum et tremendum Filii tui nomen, suppliciter deprecamur, ut super hoc remedium sanandis animalibus præparatum bene **¶** dictionem invisibilis

tuæ operationis infundas, ut quæ usibus humanis destinare dignatus es, cum ex eo acceperint, vel gustaverint, bene ✠ dictione, et sancti ✠ ficatione tua ab omni ægritudine, et beneficio sanentur et tueantur. Per Christum Dominum nostrum. **r.** Amen.

Aspergat aqua benedicta.

BENEDICTIO CIBORUM PRÓ ANIMALIBUS INFIRMIS.

(Ex Rituali Gerundensi).

- ✓. Adjutorium nostrum in nomine Domini.
- r.** Qui fecit cœlum et terram.
- ✓. Domine, exaudi orationem meam.
- r.** Et clamor meus ad te veniat.
- ✓. Dominus vobiscum.
- r.** Et cum spiritu tuo.

OREMUS.

Omnipotens æterne Deus, qui producis fœnum jumentis, et herbam servituti hominum, quique aperis manum tuam, et imples omne animal benedictione, dans escam omnibus in tempore opportuno: exaudi preces servorum tuorum, et super hoc fœnum, passqua, sal, acetum, et aquam, tuam sanctissimam bene ✠ dictiōnē effundere digneris, ut quæcumque animalia ex eis suscepérint, ab eis discedant insidiæ latentis inimici, liberentur, ac præserventur ab omni maleficio, noxa, et infestatione dæmoniaca, et à quæcumque hue, et peste, ac custodes gratiarum tibi in Ecclesia tua referant actiones. Per Christum, etc.

Aspergat aqua benedicta.

BENEDICTIO STABULI ANIMALIUM.

(Ex Rituali Gerundensi).

- ✓. Adjutorium nostrum in nomine Domini.
- r.** Qui fecit cœlum et terram.
- ✓. Domine, exaudi orationem meam.
- r.** Et clamor meus ad te veniat.
- ✓. Dominus vobiscum. **r.** Et cum spiritu tuo.

OREMUS.

Omnipotens sempiterne Deus, qui ut misericordiam tuam multiplicares, homines et jumenta salvare dignatus es, et Filium tuum Unigenitum è sinu gloriosæ Virginis Mariæ in præsepio nascentem reclinari, et ab Angelis, Pastoribus, ac Magis adorari voluisti: te Domine suppliciter exoramus, ut stabulum istud bene ✠ dicas, ab omni beneficio, et prava aeris malignitate custodias, atque animalia in eo degentia, ad usum famulorum tuorum misericorditer conserves. Per eumdem Christum Dominum nostrum. **r.** Amen.

Aspergat aqua benedicta.

BENEDICTIO SALIS QUOD DATUR ANIMALIBUS.

(Ex Rit. Vicen. ord. ab Ilmo. Ep. D. de Tocco, et Col. P. Sannig).

- ✓. Adjutorium nostrum in nomine Domini.
- r.** Qui fecit cœlum et terram.
- ✓. Domine, exaudi orationem meam.
- r.** Et clamor meus ad te veniat.
- ✓. Dominus vobiscum.
- r.** Et cum spiritu tuo.

OREMUS.

Deus invisibilis, et inestimabilis, pietatem tuam, per sanctum ac tremendum Filii tui Nomen, suppliciter deprecamur, ut in hanc creaturam salis bene ✕ dictionem, et potentiam invisibilis operationis infundas, ut animalia, quæ necessitatibus humanis tribuere dignatus es, cum ex eo acceperint, vel gustaverint, bene ✕ dictio, et sancti ✕ ficatio tua ab omni ægritudinis, et laesionis incursu te protegente custodiat. Per eundem, etc.

OREMUS.

Domine sancte, Pater omnipotens, æterne Deus, defende, quæsumus, omnia animalia nostra per hanc creaturam salis; defende piissime à raptoribus, à latronibus, à bestiis, à scabie et morbo, à morsibus, à laqueis, à diabolo, ab infirmitate, ab invidia et malitia pravorum, à malis hominibus, à malis oculis, à beneficiis, ab auruspiciis, et ab omnibus malis; et animalia, quæ morbis et infirmitatibus vexantur, per hanc creaturam salis, et per invocationem sancti Nomini tui sanare digneris. Per Christum, etc.

Deinde aspergat aqua benedicta.

BENEDICTIO CONTRA MURES, LOCUSTAS, BRUCHOS, ET VERMES NOXIOS.

(Ex Inst. can. Bened. XIV, § III, et Biblioth. Ferraris).

Aña. Exurge, Domine, adjuva nos, et libera nos propter nomen tuum.

PSALMUS XLIII.

Deus auribus nostris audivimus : * patres nostri annuntiaverunt nobis.
 Opus, quod operatus es in diebus eorum, * et in diebus antiquis.
 Manus tua gentes disperdidit, et plantasti eos : * afflixisti populos, et expulisti eos.
 Nec enim in gladio suo possederunt terram, * et brachium eorum non salvavit eos.
 Sed dextera tua, et brachium, et illuminatio vultus tui : * quoniam complacuisti in eis.
 Tu es ipse Rex meus, et Deus meus, * qui mandas salutes Jacob.
 In te inimicos nostros ventilabimus cornu : * et in nomine tuo spernemus insurgentes in nobis.
 Non enim in arcu meo sperabo : * et gladius meus non salvabit me.
 Salvasti enim nos de afflagentibus nos, * et odientes nos confudisti.
 In Deo laudabimus tota die, * et in nomine tuo confitemur in sæculum.
 Nunc autem repulisti, et confudisti nos : * et non egredieris Deus in virtutibus nostris.
 Avertisti nos retrorsum post inimicos nostros : * et qui oderunt nos, diripiebant sibi.
 Dedisti nos, tanquam oves escarum, * et in gentibus dispersisti nos.
 Vendidisti populum tuum sine pretio : * et non fuit multitudo in commutationibus eorum.

Posuisti nos opprobrium vicinis nostris, * subsan-
 tionem, et derisum his, qui sunt in circuitu nostro.
 Posuisti nos in similitudinem gentibus, * commotionem
 capitum in populis.
 Tota die verecundia mea contra me est : * et confusio
 faciei meæ cooperuit me.
 A voce exprobrantis, et obloquentis, * à facie inimici
 et consequentis.
 Hæc omnia venerunt super nos, nec obliiti sumus te : *
 et inique non egimus in testamento tuo.
 Et non recessit retro cor nostrum : * et declinasti se-
 mitas nostras à via tua.
 Quoniam humiliasti nos in loco afflictionis : * et coope-
 ruit nos umbra mortis.
 Si obliiti sumus nomen Dei nostri, * et si expandimus
 manus nostras ad Deum alienum :
 Nonne Deus requiret ista ? * ipse enim novit abscondi-
 ta cordis.
 Quoniam propter te mortificamur tota die : * aestimati
 sumus, sicut oves occisionis.
 Exurge quare obdormis Domine ? * exurge, et ne re-
 pellas in finem.
 Quare faciem tuam avertis, * obliviouseris inopiae nos-
 træ, et tribulationis nostræ ?
 Quoniam humiliata est in pulvere anima nostra : * con-
 glutinatus est in terra venter noster.
 Exurge Domine adjuva nos, * et redime nos propter
 nomen tuum.
 Gloria Patri, et Filio, et Spiritui Sancto, etc.
 Et repetitur Antiphona : Exurge.

¶. Adjutorium nostrum in nomine Domini.
 ¶. Qui fecit cœlum et terram.
 ¶. Domine, exaudi orationem meam.
 ¶. Et clamor meus ad te veniat.
 ¶. Dominus vobiscum. ¶. Et cum spiritu tuo.

OREMUS.

Preces nostras, quæsumus Domine, clementer exau-
 di, ut qui juste pro peccatis nostris affligimur, et hanc
 murum (*vel* locustarum, *vel* vermium), persecutionem
 patimur, pro tui nominis gloria ab ea misericorditer
 liberemur; ut tua potentia procul expulsi (*vel* expul-
 sæ) nulli noceant, et campos, agrosque nostros in
 tranquillitate ac quiete dimittant, quatenus ex eis sur-
 gentia, et orta tuæ Majestati deserviant, et nostri ne-
 cessitati subveniant. Per Christum Dominum nostrum.
 ¶. Amen.

OREMUS.

Omnipotens sempiterne Deus omnium bonorum re-
 munerator, et peccatorum maximus miserator ; et in
 cuius nomine omnia genuflectuntur, cœlestia, terres-
 tria, et infernalia : tua potentia nobis peccatoribus om-
 nipo tener concede, ut quod de tua misericordia con-
 fisi agimus, per tuam gratiam efficacem consequamur
 effectum ; quatenus hos pestiferos mures (*vel* locustas,
vel vermes) per nos servos tuos maledicendo maledi-
 cas, segregando segreges, exterminando extermines,
 ut per tuam clementiam ab hac peste liberati, gra-
 tiarum actiones Majestati tuæ libere referamus. Per
 Christum Dominum nostrum. ¶. Amen.